

CONSTITUTIO INNOCENTII PAPÆ XII.

*Super Usu Ritualis, Cæremonialis, Martyrologii, Missalis,
ac Diurnalis Ordinis Seraphici; nec non super
Præcepto, ad hunc effectum novissimè
promulgato.*

INNOCENTIUS PAPA XII.

Ad perpetuam rei memoriam.

EX debito Pastoralis Officii, quo Catholica Ecclesiæ, per univèrsum Orbem diffusa, regimini, Divina dispositione, præsidemus, ea quæ à Regularium Ordinum, ad Omnipotentis Dei gloriam, & animarum salutem, sapienti pietate, ab hac S. Sede institutorum, magnisque in Ecclesiam Dei meritis fulgentium, Superioribus, ad servandam in divinis Officiis uniformitatem; prudenter constituta esse noscuntur, ut firma semper, atque illibata persistant, Apostolici muniminis nostri præsidio, cum id à Nobis pèditur, libenter constabimus.

Exponi Equidem Nobis nuper fecit dilectus Filius Franciscus Diaz à sancto Bonaventura, Frater expressè Professus Ordinis Minorum sancti Francisci de Observantia nuncupatorum, quòd cum ipse, ut injunctum sibi dudum à venerabili Fratre Bonaventura Poërio Archiepiscopo Salernitanensi, qui tunc Ministrum Generalem dicti Ordinis agebat, munus expleret, non modo Breviarium, sed etiam alios Libros Divini Officii, nempe Rituale, Cæremoniale, Martyrologium, Missale, ac Diurnale dicti Ordinis, longo labore, sedulaque cura disposuerit, ipsius Libri Typis in Alma Urbe nostra impressi, propè diem in lucem prævia debita approbatione, benedicente Domino, prodituri sint; dilectus etiam Filius Matthæus à sancto Stephano modernus Minister Generalis ejusdem Ordinis, omnibus, & singulis utriusque sexus Personis ejus obedientiæ, seu directioni subjectis, quomodo circa Usus eorumdem Librorum se gerere debeant, præcepit, &

& mandavit, per suas patentes Litteras, desuper emanatas, tenoris, qui sequitur, videlicet.

Fr. Matthæus à sancto Stephano, Lector Jubilatus, totius Ordinis Fratrum Minorum S. P. N. Francisci Minister Generalis, & servus, &c. Dilectis Nobis plurimum in Domino omnibus, ac singulis Fratris, & Monialibus alisque sexus Personis Ordinum, & Congregationum Obsequentibus, seu Directioni nostræ, ac Successorum nostrorum, sub aliqua è Regulis à sancta Sede approbatis, nunc & pro tempore subjectis, ac subjicientibus, salutem in eo, qui est vera salus. Delegata per Sanctissimum D. N. Innocentium Papam XII. Prædecessori nostro opportuna facultate, ad hoc, ut tamquam Sedis Apostolicæ Commissarius, Evangelicæ, & Apostolicæ Doctrinæ, Sacrorum Canonum, & Generalium Conciliorum, præsertim Tridentini Decretis, & sanctorum Patrum Traditionibus, atque Regularibus, nostri Ordinis Institutis, Apostolica auctoritate confirmatis, inhaerendo, abusus quoscumque tolleret, Regulas, Institutiones, & Ecclesiasticam, Regularemque disciplinam, ac in primis divinum Cultum, ubicumque excidisset juxta ejusdem Ordinis Regulam, & Constitutiones, dicta auctoritate confirmatas, modis congruis (prout in Brevi, cujus initium, Ex debito: Die 18. Augusti 1694. emanato, latius continetur) restitueret, ac redintegraret.

Ipse Prædecessor noster attentè recogitans se in his, quæ divinum Cultum concernunt, mentem Sanctitatis suæ facilè execrurum, si de novo eaderet in lucem, tum Rituale, tum Cæremoniale, tum Martyrologium, tum Missale, & Diurnale, ac Breviarium Romano-Seraphicum, quæ pro toto Ordine impostum ubique deservirent, R. A. P. Fr. Franciscum Diaz à sancto Bonaventura, Ordinis Patrem, ac Sacræ Congregationis Rituum Consultorem, in notitia rerum prædictarum apprime versatum consulto selegit, ad præstandum Deo, ac Ordini nostro hoc perutile, atque laudabile obsequium: Nosque pro eodem persciendo, omnem eidem, à die assumptionis nostræ ad Ordinis Ministerium, duximus exhibere opem, atque assistentiam opportunam.

Hinc certiores enicli de solerti cura, qua prædictum Rituale, deinde Cæremoniale, postea Martyrologium, successivè Missale, subindè Diurnale, ac tandem Breviarium

rium prædicta, juxta formam à Sanctissimo Domino nostro, ut præfatur, fancitam, ad prælum idem disposuit: nec non de approbationibus, quibus tam Sacra Rituum Congregatio, quam idem Sanctissimus Kalendarium, & Rubricas, ad cuius, & quarum præscriptum, cetera cuncta ordinari debebant, & reipsa ordinata conspiciuntur, benignè comprobantur: Nos, ad hoc, ut impressio Breviarum ab eodem Sanctissimo Apostolico munimine, cum Kalendario ac Rubricis præfatis, roborati, prius incepta, quam citius perduceretur in finem, prout jam, opitulante Domino, cernitur terminata, omnem ex tunc adhibuimus operam, ac sollicitudinem.

Nunc verò attendentes, quod sub Titulo 12. Rubricarum particularium Breviarum præmemorati, cui Apostolicæ approbationes prædictæ jam pridem accesserunt, sequens adest dispositio, videlicet, *Pro ordinando quotidiano Officio, recurrendum est ad Kalendarium à num. 5. dispositum, & ad Tabulam Festorum Mobilium: nec non ad scriptas Rubricas, tam generales Breviarum Romani, quam particulares pro nostro, hic, & in dierum singulorum Officiis exactè descriptas; omniumque servato præscripto, dietim servabitur Regula Seraphica, que præcipit ut Clerici faciant divinum Officium secundum Ordinem S. R. E. excepto Psalterio, ex quo haberi poterunt Breviaria. Quoad Cæremonias verò, & alia ad rectè, ac sanctè reddendum Domino Sacrificium Laudis, quoquomodo necessaria, & oportuna, observanda sunt documenta à sancto Bosaventura edita; nec non Ordinationes Capitularum Generalium Apostolica auctoritate confirmata, proinde Rituale, Constitutiones, & Doctrinæ in Firmamento Trium Ordinum contentæ, ibidem à san. mem. Julio II. & tandem à sel. records Clementi X. in Brevis Ex commissis Nobis, die 28. Augusti 1671. cum aliis recentioribus, approbatè, & sub nonnullis penis tunc, & nunc observari mandata. Forma itaque Deo persolvendi divinas Laudes, hic præscripta, ab omnibus Fratrum Ordinibus, & Congregationibus, Obedientia Ministrum Generalium Fratrum Minorum S. Francisci subjectis, nec non à Monialibus Conceptionistis, Coletanis, de Annuntiata, & aliorum Institutorum, quæ sub eadem Obedientia debitum præstant Altissimo obsequium, & famulatum, omninò tenenda est.*

Propterea, ne Fratres, ac Moniales nostri Seraphici

Cœ-

Cœtus commodo Ritualis, & Cæremonialis, nec non Martyrologii, Diurnalis, ac Missalis præfatorum diu careant, & ab observando præscripto præferte Rubricæ, Apostolica auctoritate, ut præfatur, approbatæ, se quoquomodo exculent: tenore præsentium eidem Consultori commisimus, & in Domino commendavimus, ut prædictos Libros divini Officii, nondum impressos, ad præscriptum verò Kalendarium, Rubricarum, & Breviarum, ut prædiximus, dispositos, sine ulla ulteriori mora Romæ Typis mandari curaret.

Vobis autem omnibus, tam Subditis, quam Superioribus strictè, ac sub penis contentis in Brevibus *Cum sicut*, die 21. Novembris 1696. & *Exponi Nobis*, die 3. Decembris 1697. à Sanctissimo Domino nostro, pro approbatione, usu, & impressione Breviarum jam dicti, expeditis, præcipimus, injungimus, & mandamus, ut postquam Libri hujusmodi Romæ prælo mandati extiterint, eque in ipsorum usu, & aliorum materia simili rejectione, & abolitione, Vos geratis, ac teneamini, juxta præfatorum Brevium præscriptum, soli Breviario memorato ubique, & in omnibus vos ipsos conformare: sic enim, & non aliter executioni mandata consuebitur Commissio Prædecessori nostro à Sanctissimo benignè facta, atque impartita. Nec ulli umquam fas sit, sine reatu culpæ, in re adeo gravi omninò vitandæ, quidquam in sæpeditis Libris, Sancta Sede inconflata, addere, vel minuere, aut quoquomodo, etiam in praxi, alterationibus depravare. Data in Sacro nostro Aracelitano Conventu, die 4. Augusti 1698. & 490. à prima nostri Ordinis approbatione Apostolica.

Frater Mathæus à sancto Stephano, Minister Gener. &c.

Loco ✠ Signilli.

Cùm autem, sicut eadem expositio subiungebat, præfatus Franciscus præmissa, quo firmis subsistant, Apostolicæ Confirmationis nostræ Patrocinio communiri summo potè desideret. Nos specialem ipsi Francisco gratiam facere volentes, cumque à quibusvis Excommunicationis, Suspensionis, & Interdicti, aliisque Ecclesiasticis Sententiis, Censuris, & penis à Jure, vel ab homine, quavis

H 6

oc-

occasione, vel causa, latis, si quibus quomodolibet innotatus existit, ad effectum presentium dumtaxat consequendum, harum serie absolventes, & absolutum fore censentes, supplicationibus ejus nomine Nobis, super hoc humiliter porrectis, inclinati, ac audita super præmissis Venerabilis Fratris Prosperi Archiepiscopi Myrensis Fidei Promotoris relatione, Præceptum, & Mandatum à memorato Matthæo Ministro Generali facta, ut præferatur, expeditaque desuper ejusdem Matthæi Ministri Generalis Patentes Litteras præinsertas, cum omnibus, & singulis in eis contentis, auctoritate Apostolica, tenore presentium perpetuo confirmamus, & approbamus, illique inviolabilis Apostolicæ firmitatis robur adjicimus, ac omnes & singulos Juris, & facti defectus, si qui desuper quomodolibet intervenerint supplemus.

Dacernentes easdem præsentis, & præinsertas Patentes Litteras semper firmas, validas & efficaces existere, & fore, suosque plenarios, & integros effectus sortiri & obtinere, ac ab illis, ad quos, & quas spectat, & pro tempore quocumque spectabit, in omnibus, & per omnia inviolabiliter observari, sicut in præmissis per quoscumque Judices Ordinarios, & Delegatos, etiam causarum Palatii Apostolici Auditores judicari, & definiri debere, ac irritum & inane, si secus super his, à quoquam quavis auctoritate scienter, vel ignoranter contigerit attentari.

Non obstantibus Constitutionibus, & Ordinationibus Apostolicis, ac quatenus opus sit, dicti Ordinis, ejusque Provinciarum, Congregationum, & Conventuum quorumcumque, etiam Juramento, Confirmatione Apostolica, vel quavis firmitate alia roboratis, Statutis, & Consuetudinibus, Privilegiis quoque, Indultis, & Litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenore presentibus pro plenè, & sufficienter expressis, & ad Verbum insertis habentes, illis aliis in suo robore permanens, ad præmissorum effectum, hac vice dumtaxat specialiter, & expressè derogamus, ceterisque contrariis quibuscumque.

Volumus autem, ut earundem presentium Litterarum transumptis, seu exemplis, etiam in Libris hujusmodi impressis, manu alicujus Notarii publici subscriptis,

tis, & Sigillo Personæ in Ecclesiastica Dignitate constitutæ munitis, eadem prorsus fides ubique locorum habeatur, quæ haberetur ipsi presentibus, si forent exhibitæ, vel offensæ, utque eadem præsentis litteræ in principio, vel in fine dictorum Librorum, etiam quocumque de novo imprimendorum, Typis imprimi debeant. Datum Romæ, apud Sanctam Mariam Majorem sub Annulo Piscatoris die 10. Novembris 1698. Pontificatus nostri anno octavo.

I. F. Cardinalis Albanus.

